



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis Et Episcopis & dilectis filiis Abbatibus & aliis Ecclesiarum
Praelatis in Theutonia constitutis.

urn:nbn:de:hbz:466:1-20006

rum, utriusque profectu, scilicet tam regni quam sacerdotij, multipliciter impedito. Cum ergo per Dei gratiam vera pax & firma concordia inter Ecclesiam & imperium nunc exsistat, ad tollendam in posterum omnem dissensionis & suspicionis materiam quædam ad præsens a te, fili carissime, duximus postulanda, quæ utique debes sine difficultate concedere, utpote ratione consona & saluti; pro certo sperantes quod longè majora in futuro concedes, cum nihil unquam a te obtinere velimus nisi quod te deceat imperitiri, tuum per omnia zelantes honorem & commodum procurantes. Ad ea igitur obtinenda & exequenda, quantum cum Deo possumus, tam illa quæ nuper per tuos iunctios postulati quam & alia quæ per te ipsum duxeris postulanda venerabilem fratrem nostrum Hugolinum Ostiensem Episcopum & dilectum filium Leonem tituli sanctæ crucis Presbyterum Cardinalem apostolicæ sedis Legatos, viros utique providos & honestos, quos inter ceteros fratres nostros speciali diligimus caritate, ad tuam præsentiam destinamus, serenitatem regiam rogantes attentiū & monentes quatenus eos sicut personam nostram devotè suscipias & benignè pertraetes, ipsorum salubribus monitis & consilii acquiescens, plenam de ipsis tamquam de nobis fiduciam obtinendo quoniam ad tuum commodium & honorem efficaciter aspirabunt. Ad hæc, regalem depositum excellentiam quatenus clericos & Ecclesiastas diligas & honores, manuteneas & defendas, ut devotus ac pius Princeps in omnibus comproberis. Datum Laterani xvii. Kal. Februarij, pontificatus nostri anno undecimo.

*ARCHIEPISCOPI ET EPISCOPI
& dilectis filiis Abbatibus & aliis Ecclesiastum
Pralatis in Theutonia constitutis.*

Epist. 180.

CVM acceptam angelus dudum phialam iracundia Dei plenam in populos Theutonicos effusisset, effusa est contentio super Principes corundem; qui diuturnitate schismatis hostilitate contriti, quasi de torculari suæ contributionis expressum calicem iræ Dei profundum & latum non soldum ipsis bibere, verum etiam aliis propinarunt. Dominus autem, qui cogitat consilium, non afflictionis, sed pacis, reprobans consilia Principum, & cogitationes dissipans populorum, ab eis tandem discordia cauam abstulit, ipsisque ad viam concordia revocavit. Quapropter nos, qui ex officiis nostri debito ad hujusmodi scandalum removendum indefessa sollicitudine laboravimus, non possumus non gaudere quod fidelis Dominus sperantes in se tentari ultra quam possent sustinere non pertulit, & in ira misericordia memor factus, flagellum digne sue indignationis avertit, faciens ita multos ipsius disciplina proficere quod exercitatis per eam pacatum videtur frumentum justitiae reddidisse. Nam per Dei gratiam non paeniter nos constanter cursum cœpti currisse certaminis, jam feliciter Dominus labores nostri consummavit agonis, jam illa Gamalielis sententia nostrum probat à Domino processisse consilium, jam humana vis impedire non potuit cœlestis voluntatis effectum. Nam

altissimus id dispositus; & quis potuit interrumper? Omnipotens hoc decrevit; & quis valuit immutare? Æmulabarisi haec tenus te ad invicem, Theutonia omnis, & in partes divisa, mutuis te animositatum tuarum similitatibus conterebas. Immiso namque desuper in te spiritu circumferebare vertiginis, & erroris fræno, quod juxta Prophetam erat in maxillis populorum, abducta per graves circuitus ducebaris. Filij quippe tui fœdera fraterna dissoluerant, & invidiæ sauciatae livoribus sese passim alter alterutrum trucidabant. Vocaverat enim Dominus exercitum in te tempus in quo juxta vaticinium sancti viri vir non parceret fratri suo, & quasi carnem brachij sui unoquoque vorante, Manassen Esfraim & Esfraim offendiderat Manassen. Hinc igitur non tu sola, quin immo penè totus offendebatur populus Christianus, lugentibus equidem viis Sion, ideo quod non essemus qui solemnitates dominicas visitarent. Ora Deum canentium ex magna parte conclusa torpebant, cultuque divino per usum bellicum minorato, hostilibus impendebatur excubis quod spiritualibus vigiliis debebatur. Denique terra sancta debita sibi & lugebat & luger suffragia defuisse; quæ pro peccatis nostris in extremam necessitatem perducta, operas & impensas quibus ipsa juvari potuerat in domesticæ cladi excidium frustra pertransisse deplorat. Ut de malis ceteris taceamus, quæ præter multiplicem desolationem regni dudum in se ipso divisi universam quoque Dei Ecclesiam offendebant. Nos autem pericula tot & tanta videntes, nimiaque scandalantium caritate perulti, duro compassionis eorum frixorio frigebamus; ac scientes operas justitiae pacem esse, justitia non defuimus, donec Dominus de cœlo prospexit & multo à nobis studio procuratæ initia pacis dedit, potens adhuc in tantum eam sua gratia dilatare ut juxta prophetantis eloquium populus suus in pulchritudine pacis sedeat & plebs ejus in justitiae tabernaculis ac requie opulenta quietcat. Quia igitur plagam quæ de novo circumligata est negligi non operiet, eo quod custodita potest ad perfectam sanitatem proficere, neglecta vero in deteriore corruptelam redire, venerabilem fratrem nostrum Hugolinum Ostiensem Episcopum & dilectum filium Leonem tituli sanctæ crucis Presbyterum Cardinalem apostolicæ sedis Legatos, viros utique providos & honestos, quos inter ceteros fratres nostros speciali caritate diligimus, ad partes ipsas duximus destinandos, qui more prudentium medicorum, prout quævis morbi cura poposcerit, vinum scianæ & oleum superfundere, ac pace jam ex parte in imperio reformata, satagant unumquemque perfectius informare; commissa sibi pariter potest dissipandi & evellendi, ædificandi nihilominus & plantandi quæ utrorumlibet hotum opera noverint indigere. Quocirca universitatem vestram rogamus attentiū & monemus, per apostolica vobis scripta præcipiendo mandantes quatenus eos, immo nos in ipsis, cum debito suscipientes honore, providis monitis & mandatis ipsorum efficaciter intendatis. Alioquin sententiam quam tulerint in rebelles ratam habebimus, & usque ad satisfactionem

De negotio imperij.

761

condignam auctore Domino faciemus inviolabiliter observari. Datum Laterani xvi. Kal. Februarij, anno undecimo.

ARCHIEPISCOPI ET EPISCOPIS in Theutonia constitutis.

Epist. 181.
Vide suprà
epist. 178.

Cum olim ex officij nostri debito de pace in imperio reformanda sollicitudo nos indecessa pulsaret, de cuius scissura ipsi non tantum imperio, verum etiam orbi penè toti grave periculum imminebat, consilium nobis incidit ut per Legatos nostros de matrimonio contrahendo inter carissimum in Christo filium nostrum illustrem Regem Ottomem in Romanorum Imperatores electum & inclita recordationis Philippi Duci Sueviae primogenitam tractaretur. Postmodum autem eodem Duce à filio Beilial nequirer interfecit, cum adhuc de scissuræ periculo non minus quam antea timeretur, praefato Regi nostras litteras destinavimus ut ad consummationem hujusmodi matrimonij securè procederet si sibi cognosceret expedire. Interim autem, cum jam Domino imperante ventis & mari tranquillitas redire cœpisset, & redennib[us] ad cor multis accidem Regi fideliter adhærentibus, de pace spes firmior haberetur, idem Rex per suas à nobis litteras postulavit ut cum inter ipsum & memoratam pellam linea consanguinitatis existeret, super eorum dispensare conjugio dignaremur. Cui nos meminimus respondisse quod licet necessitas dispensandi jam ex magna parte cessasset, super hoc tamen vicem nostram nostris eramus commissari Legatis quos pro causis Ecclesiæ ac imperij disponebamus ad ejus præsentiam in proximo destinare. Quia igitur dictus Rex super dispensatione matrimonij prælibati, quod dicitur jam iurasse, nobis iterum cum multa instantia supplicavit, forsan prudenter intelligens per præmissum consilium, in quo nulla de consanguinitatis linea mentio habebatur, non esse super consanguinitatis linea dispensatum sed hoc sibi consultum ut ad matrimonij consummationem procederet legitimè quidem, dispensatione videlicet præobtente, ut sic & quantum ad conscientiam & quantum etiam ad Ecclesiæ matrimonium ipsum legitimum haberetur, venerabili fratri nostro Hugolino Ostiensi Episcopo & dilecto filio Leonii tituli sanctæ crucis Presbytero Cardinali apostolicae sedis Legatis dedimus in præceptis ut inquisita & cognita veritate, si urgens necessitas & evidens utilitas pro pace in imperio reformanda hujusmodi matrimonium contrahi postularint, ipsi auctoritate nostra suffulti super illo contrahendo dispensent. Nos autem quod ab eis super hoc prædictum fuerit ratum habebimus, & decernimus illud inviolabilitatem observandum. Datum Laterani xvi. Kal. Februarij, pontificatus nostri anno undecimo.

HUGOLINO OSTIENSIS EPISCOPO & Leonii tituli sanctæ crucis Presbytero Cardinali apostolicae sedis Legatis.

Epist. 182.

Cum olim ex officij nostri debito &c. in eundem modum ut in alia usque legitimum haberetur, discretioni vestrae per apostolica

scripta præcipiendo mandamus quatenus inquisita & cognita veritate, si urgens necessitas & evidens utilitas pro pace in imperio reformanda hujusmodi matrimonium contrahi postularint, vos auctoritate nostra suffulti super illo contrahendo dispensare curetis. Nos autem quod à vobis super hoc prædictum fuerit ratum habebimus, & decernimus illud inviolabilitatem observandum. Datum ut suprà.

E I S D E M.

P Lenam gerentes de vestra discretione fiduciam, negotium Papembergenis Episcopi Vide suprà sub hac forma duximus committendum ut si super necesse clara memoria Philippi Ducis Sueviae, accusatore contra eum legitime comparente, culpabilis coram vobis fuerit comprobatus, vos eum sublato cujuslibet contradictionis & appellationis obstaculo ab omni officio & beneficio ecclesiastico deponatis. Alioquin indicatis ei purgationem canonicam, in qua si forte defecerit, eadem ipsum censura damnetis. Quod si legitimè se purgaverit, denuntietis eum super objecto criminis penitus innocentem. Ante omnia providentes, ut si quid contra eum vel ejus Ecclesiæ est perperam attentatum, in statum debitum revocetur. Datum ut suprà in altera.

MAGDEBURGENSI ARCHIEPISCOPO.

F Irman gerimus de tua sinceritate fiduciam Epist. 183. ut nostrum desideres beneplacitum adimplere, cum & nos ad tuum profectum efficaciter intendamus. Quocirca fraternitatē tuam rogandam duximus & monendam, per apostolica tibi scripta mandantes quatenus ad ea feliciter promovenda que venerabilis frater noster Hugolinus Ostiensis Episcopus & dilectus filius Leo tituli sanctæ crucis Presbyter Cardinalis apostolicae sedis Legati tibi ex parte nostra suggesterint diligens studium & operam efficacem impendas; ita quod in iis tuam devotionem experti, grata tibi debeamus vicissitudine responderemus. Datum Laterani xvi. Kal. Februarij, pontificatus nostri anno undecimo.

POTESTATIBVS, CONSVLIBVS, & populis civitatum Lombardie.

Q Vemadmodum vultis ut carissimus in Christo filius noster illustris Rex Otto in Romanorum Imperatores electus jura vestra vobis integra & illæsa conservet, ita vos sibi debetis imperij jura illæsa & integra conservare, ad quæ utrinque servanda nos, qui summi mediatoris, licet indigni, locum obtinemus in terris, tam ipsum quam vos debemus inducere studio diligent. Cum igitur idem Rex venerabilem fratrem nostrum Walterum Patriarcham Aquileiensem Legatum statuerit in Italia pro negotiis imperij procurandis, universitatem vestram rogandam duximus & monendam, per apostolica vobis scripta mandantes quatenus ei super iis quæ ad ius imperij pertinere noscuntur efficaciter intendatis; ut sicut pro ipso apud vos interponimus partes nostras, ita, si necessitas postulaverit, pro vobis apud ipsum partes nostras interponere debeamus. Datum Laterani v. Kal. Martij, pontificatus nostri anno xxi.